

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

1. Tasiilami ammerivimmik tunisisarneq pillugu Naalakkersuisut qanoq pilersaaruteqarpat?
2. Tasiilami amminik tunisisarnermut isumaqatigiissut qanoq imaqarpa?
3. Isumaqatigiissut nutarterneqarnikuuva? Kommuunilu suleqatigiinniartoqarpa?
4. Nalilersuisoqartarpa suleqatigiittoqarsimappat?
5. Aningaasat qanoq annertutigisut immikkoortinneqartarpat?
6. Aningaasat immikkoortinneqartut sunik aningaasartuutissanik matussusiissappat - Biilnut?
7. Assartuinissamut amminik atortuutinillu? Aputaajaanissamik ukiukkut?
8. Amminut qapiarpinnut nunarterisoqarnissaanut Naalakkersuisuniit qanoq pilersaaruteqartoqarpa?
9. Ammit tunisat qanoq appariartiginikuuppat tunumi ukiuni kingullerni?
10. Ammit maangaannaq eqqarneqartarnerat Naalakkersuisut arlaatigut aaqqiiffiginiarlugu pilersaaruteqarnerpat?
11. Amminut qapiarfik aaqqinneqarsinnaanngippat ulluni qaninnerni orsuaasussanik immikkut pilersitsisoqarniarpa?

(Inatsisartunut ilaasortaq Mala Høy Kuko, Siumut)

Tunngavilersuut:

Innuttaasut paasissutigivaat ilungersunartorujussuusoq Tasiilami amminik tunisiniarneq. Amminik tunitsiviup atortui paasiniallugit takuneqarsinnaapput nutaanngitsorujussuusut atorsinnaassusaallu assut killeqalersimaqisut. Una ukioq aallartiinnartoq amminik qapiarfik ajortissimavoq, qinuloortoqarsimagaluarporli taartissaanik, nassiunneqarsimavorli nutaanngitsoq aamma atorsinnaanngitsoq. Ammerinermut atortuutit pisoqqat nutaanngingaarmata uninngaannartut sullivimmi takuneqarsinnaapput nutarterisoqarnikuusimanngimmammi tunitsivik aallarteqqaarmalli. Errorsissutaasoq amminik aamma atorsinnaassusaa ungasinngitsumik ajutoorutaanissaa ilimanaateqartorujussuovoq ajortereersimammammi qangalili.

Piniartutut inuuniutillit arlallit qapiarfik aserormalli inuussutissarsiutituaminnik isaatitsinerat ajo-raluartumik unittuuvissimasoq innuttaasuni arlalinnik paasissutigineqarpoq, akiligassanillu malinnaaniarnerat ilungersunarsingaarsimasoq oqaatigineqarluni. Aammalumi skattimut akiligassat malinnaaffigisinnaajunnaarsimallugit oqaatigineqarpoq.

Apeqquteqaatimma ullut suliffiusut qulit iluanni akineqareersimanissaat kissaatigaara.